



# SLUŽBENI GLASNIK OPĆINE KALESIJA

Godina: XLVI

Petak, 07.10.2011. godine  
K A L E S I J A

Broj: 8

## OPĆINSKO VIJEĆE 91

Na osnovu člana 13. Zakona o principima lokalne samouprave („Sl. novine FBiH“, broj 49/06) i člana 42. Statuta općine Kalesija – Prečišćeni tekst („Sl. glasnik općine Kalesija“, broj 10/07 i 7/08), na prijedlog Administrativne komisije, Općinsko vijeće Kalesija na sjednici održanoj 29.09.2011. godine, d o n o s i

### O D L U K U

o utvrđivanju naknada Općinskim vijećnicima, zamjeniku predsjedavajućeg Općinskog vijeća Kalesija, članovima Kolegija i članovima komisija i radnih tijela koje imenuje Općinsko vijeće

#### Član 1.

Ovom Odlukom utvrđuju se naknade Općinskim vijećnicima, zamjeniku predsjedavajućeg Općinskog vijeća Kalesija, članovima Kolegija i članovima komisija i radnih tijela koje imenuje Općinsko vijeće u iznosima kako slijedi :

1. Naknada Općinskim vijećnicima
  - mjesečna naknada vijećniku Općinskog vijeća (vijećnički paušal) ..... 350,00 KM
  - naknada vijećniku za prisustvo redovnim, vanrednim i tematskim sjednicama Općinskog vijeća ..... 50,00 KM
  - naknada vijećniku za prisustvo nastavcima redovnih i vanrednih

sjednica Općinskog vijeća Općinskog vijeća.....50,00 KM  
- naknada zamjeniku predsjedavajućeg Općinskog vijeća..... 350,00 KM

2. Naknada članovima Kolegija Općinskog vijeća po održanoj sjednici:
  - predsjedavajući Kolegija .....50,00 KM
  - član Kolegija ..... 40,00 KM
3. Naknada članovima komisija i radnih tijela koje imenuje Općinsko vijeće:
  - predsjednik ..... 60,00 KM
  - član ..... 50,00 KM
  - predstavnik komisije ili radnog tijela koji u ime komisije a po pozivu predsjedavajućeg Općinskog vijeća, prisustvuje sjednicama Općinskog vijeća ..... 50,00 KM.

#### Član 2.

Vijećniku za prisustvo nastavcima redovnih i vanrednih sjednica Općinskog vijeća, pripada jedna naknada, bez obzira na broj održanih nastavaka jedne sjednice Općinskog vijeća

Predsjedniku i članovima komisija i radnih tijela koje formira Općinsko vijeće za prisustvo i rad na sjednicama pripada jedna naknada, bez obzira na broj održanih sjednica komisije ili radnog tijela, ukoliko su u tom mjesecu održali bar jednu sjednicu.

**Član 3.**

Ova Odluka stupa na snagu danom objavljivanja u "Sl. glasniku općine Kalesija".

**Član 4.**

Stupanjem na snagu ove Odluke prestaje se primjenjivati Odluka o utvrđivanju mjesečne naknade Općinskim vijećnicima, naknade za vršenje funkcije predsjedavajućeg i zamjenika Općinskog vijeća ("Sl.glasnik općine Kalesija", broj 4/07), Odluka o utvrđivanju naknade općinskim vijećnicima za prisustvo nastavku redovnih i vanrednih sjednica Općinskog vijeća Kalesija ("Sl.glasnik općine Kalesija", broj 4/07), Odluka o utvrđivanju naknade jednom članu Komisije za etički kodeks izabranih zvaničnika koji prisustvuje sjednicama i nastavku sjednica Općinskog vijeća Kalesija, a nije iz reda vijećnika ("Sl.glasnik općine Kalesija", broj 6/07) i Odluka o naknadama vijećnicima za rad i prisustvo sjednicama Općinskog vijeća Kalesija, predsjednicima i članovima komisija i odbora za prisustvo sjednicama radnih tijela Vijeća, kao i prisustvo vjenčanjima ("Sl.glasnik općine Kalesija", broj 1/98,4/99,5/00,1/01,5/01 i 5/05).

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA

Fetah Hujdur s.r.

Broj: 01-05-2-3765  
Datum, 30.09.2011. godi

**92**

Na osnovu člana 13. Zakona o principima lokalne samouprave („Sl.novine FBiH“, broj 49/06) i člana 42. Statuta općine Kalesija – Prečišćeni tekst ("Sl. glasnik općine Kalesija", broj 10/07 i 7/08), na prijedlog Administrativne komisije, Općinsko vijeće Kalesija na sjednici održanoj 29.09.2011. godine, d o n o s i

**O D L U K U**

o utvrđivanju koeficijenta za obračun plate  
Općinskom načelniku

**Član 1.**

Ovom Odlukom utvrđuje se koeficijent koji predstavlja polaznu osnovu za utvrđivanje plate koja se isplaćuje iz budžeta općine Kalesija za Općinskog načelnika.

**Član 2.**

Koeficijent koji predstavlja polaznu osnovu za utvrđivanje plate koja se isplaćuje iz budžeta općine Kalesija za Općinskog načelnika iznosi .....6,20.

**Član 3.**

Ova Odluka stupa na snagu danom objavljivanja u "Sl. glasniku općine Kalesija".

**Član 4.**

Stupanjem na snagu ove Odluke prestaje da važi Odluka o utvrđivanju koeficijenta za obračun plata Općinskom načelniku, Općinskom pravobraniocu i Sekretaru Općinskog vijeća "Sl. glasnik općine Kalesija", broj 4/07".

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA

Fetah Hujdur s.r.

Broj: 01-05-2-3766  
Datum, 30.09.2011. godina

**93**

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06) i člana 42. Statuta općine Kalesija – Prečišćeni tekst ("Sl. glasnik općine Kalesija" broj 10/07 i 7/08), Općinsko vijeće Kalesija, na sjednici održanoj 29.09.2011. godine, d o n o s i

**O D L U K U**

o obrazovanju Komisije za drugostepeno  
upravno rješavanje

**Član 1.**

Ovom Odlukom obrazuje se Komisija za drugostepeno upravno rješavanje (u daljem tekstu: Komisija), u sastavu:

1. Šmigalović Senad iz Tojšića - predsjednik
2. Hadžić Bego iz Kikača - član
3. Suljkanović Melisa iz Rainaca Donjih - član
4. Atlagić Adis iz Kalesije Gornje - član
5. Suljkanović Mehmed iz Rainaca Donjih - član

**Član 2.**

Zadatak Komisije je:

- da u drugom stepenu rješava po žalbama protiv prvostepenih rješenja Općinskog načelnika/ce donesenih na osnovu Statuta i propisa Općinskog vijeća tamo gdje ne postoji drugostepeni organ.
- utvrđuje prijedlog akta po prigovoru protiv zaključka o rezultatima konkursa za dodjelu gradskog građevinskog zemljišta radi građenja i isti upućuje Općinskom vijeću na rješavanje.

**Član 3.**

Mandat Komisije je 2 (dvije) godine.

**Član 4.**

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

PREDSEDavajući  
OPĆINSKOG VIJEĆA

Fetah Hujdur s.r.

Broj: 01-05-2-3767  
Datum, 30.09.2011. godine

**PROGRAM ZIMSKOG ODRŽAVANJA  
LOKALNIH I NEKATEGORISANIH  
PUTEVA NA PODRUČJU OPĆINE  
KALESIJA U ZIMSKOJ SEZONI  
2011/2012. GODINE**

**U V O D**

Na području općine Kalesija nema registrirane specijalizovane organizacije za izgradnju, rekonstrukciju i održavanje lokalne i nerazvrstane putne mreže. U proteklom periodu zimsko održavanje puteva vršeno je angažovanjem Službe civilne zaštite općine Kalesija uz djelimičnu ispomoc DD »Komunalac« Kalesija. Služba civilne zaštite posjeduje jedan kamion tipa »Stajer« koji ima neophodnu opremu za zimsko održavanje puteva, počev od noža za stuganje i čišćenje sniježnih nanosa do mogućnosti kačanja rasturača posipnog materijala. Ovo specijalno opremljeno vozilo je u mnogome doprinijelo efikasnijem održavanju puteva u pogledu razgrtanja snijega i posipanja adekvatnim materijalima za odleđivanje puteva i smanjenje klizavosti. Zimsko državanje lokalnih i nerazvrstanih puteva i saobraćajnica u naseljima u zimskoj sezoni 2011/2012 godine održavat će Služba civilne zaštite općine Kalesija, a u ekstremno teškim situacijama na našim lokalnim i nekategorisanim putevima vanredno ćemo angažirati specijalizirane firme koje imaju potrebnu mehanizaciju.

**ZIMSKO ODRŽAVANJE LOKALNIH  
PUTEVA**

Imajući u vidu stanje lokalne putne mreže, konfiguracija terena kuda isti prolaze, te važnost pojedinih putnih pravaca koji povezuju centar Općine sa centrima MZ-a, u predstojećoj zimskoj sezoni, prioritet čišćenja lokalne i nerazvrstane putne mreže treba dati putevima koji povezuju najudaljenije MZ-e sa centrom Općine, na kojim se odvija javni linijski prevoz putnika (autobuski prevoz), mjesta gdje stanuju

---

**94**

Na osnovu člana 13. Zakona o cestama F BiH ( „Službene novine F BiH” broj 12/10) i člana 42. Statuta općine Kalesija – Prečišćeni tekst ( „Službeni glasnik općine Kalesija”, broj 10/07 i 7/08), Općinsko vijeće Kalesija na sjednici održanoj dana, 29.09.2011. godine, d o n o s i:

bolesni građani općine Kalesija koji imaju potrebu za hemodijalizom. Za ove poslove angažovat će se sredstva

Službe civilne zaštite i sredstva specijaliziranih privrednih subjekata.

U pogledu održavanja i raščišćavanja ulica u gradu Kalesija, kao i centrima MZ-a i u pojedinim naseljima pored navedene mehanizacije, putem povjereništava MZ treba organizovati i raščišćavanje puteva, trotoara i javnih površina ličnim učešćem građana i angažovanjem individualne mehanizacije pogodne za ovu vrstu posla.

Nerazvrstani putevi će se održavati ličnim angažmanom građana mjesnih zajednica, pri čemu treba koristiti raspoloživu mehanizaciju i ljudske potencijale. Pored toga, u slučaju većih vremenskih nepogoda, koristit će se svi raspoloživi pogodni kapaciteti, u skladu sa Zakonom o spašavanju ljudi i materijalnih dobara od prirodnih i drugih nesreća (»Sužbene novine FBiH«, broj 39/03), Odluka Općinskog vijeća i Općinskog načelnika.

U cilju blagovremenog i efikasnog održavanja lokalne putne mreže Služba civilne zaštite, vršit će čišćenje snijega sa kolovoza po prioritetu kako slijedi:

#### A. Putni pravci I grupe prioriteta

1. Put Tojšići centar – Handžići – M4 – Kikači – Hrasno D. – Hrasno G. (džamija),
2. Put za Jajiće (raskrsnica Mramorovi – Jajići – Zolje- Palavre – Olanovica put M4),
3. Put Rainci Gornji (M4) – Meškovići (škola),
4. Put Kalesija – Gojčin (škola),
5. Put Rainci Gornji (M4) – Rainci Donji – Puzići – Pedići – Zates – Međaš (M4),
6. Put Grabik (novi put) – Brda (raskršće),
7. Put Sarači (M4) – Lipovice (Jakubovića brdo),
8. Put Seljublje – Čifluk – Puljkov do,
9. Put Hrasno Donje – Paraći – Horozovina – Seljublje,
10. Put Hrasno Donje – Zaseok Brdo.

#### B. Putni pravci II grupe prioriteta

1. Put Međaš – Hangari – Jeginov Lug (trafo) – Izbjegličko naselje,
2. Put Tojšići – Bara – Atik džamija – Čive (kraj sela) – Masle (čitaonica) – Masle II – Masle I – Džafići – Mejtefište – D. Vukovije (dva pravca: 1. Mejtefište – M4 i 2. Mejtefište – mezarje- M4),
3. Put Početak od M4 – Bulatovci – Memići Spomenik – Brezik – Memići (škola) – Memići (M4),
4. Put Paloši – Salkići – Hadžići,
5. Put Podkojnik – Salkići (Crne Bare),
6. Put Puzići – Požegići – Zates,
7. Put Rainci Gornji (M4) – Bukvari raskršće,
8. Put Međaš raskršće – Gutići – Barčići – Pješavica,
9. Put Međaš Dom – Mešići (pomoćni put kroz Mešiće do izlaza na magistralni put M4 Međaš),
10. Put Miljanovci orah – Stara džamija – Zaseok Gaj,
11. Put Memići – Hemlijaši – Stara džamija – Vereseike.

#### C. Putni pravci III grupe prioriteta

U ovu grupu prioriteta spadaju svi ostali lokalni i nerazvrstani putevi. Finansijska sredstva za provođenje ovog Programa obezbijediti u Budžetu općine Kalesija.

Za realizaciju ovog Programa obavezno blagovremeno obezbijediti posipni materijal i neophodni potrošni materijal i opremu za specijalno vozilo Službe civilne zaštite.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2228  
Datum: 30.09.2011. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

## 95

Na osnovu člana 13. stav 1. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06), člana 42. Statuta općine Kalesija – Prečišćeni tekst («Sl. glasnik

općine Kalesija», broj 10/07 i 7/08), Općinsko vijeće Kalesija na sjednici održanoj 29.09.2011. godine, d o n o s i

## PLAN JESENJE SJETVE ZA 2011.GODINU

### 1.UVOD

Izradom ovog plana vodilo se je računa o osnovnim strateškim opredjeljenjima u primarnoj poljoprivrednoj proizvodnji na području općine Kalesija, stanju resursa, analizi novčane podrške iz prethodne godine i dr.

U dosadašnjem i narednom periodu pokretač razvoja primarne poljoprivredne proizvodnje na općini Kalesija biće Sarajevski Milkos koji je u privatizaciji kupio bivše poljoprivredno dobro Spreča. Možemo konstatovati da se na području općine Kalesija osjeća pozitivan trend razvoja poljoprivrede. Tom pozitivnom trendu doprinijelo je više faktora:

- nemogućnost stanovništva da nađe profitabilniji posao,
- Federalni, kantonalni i općinski podsticaji u primarnoj poljoprivrednoj proizvodnji,
- Prodaja farme Krušik sarajevskom Milkosu.

### 2.STRUKTURA I OBIM SJETVE

Planom jesenje sjetve u 2011 godini predviđeno je da se na području općine Kalesija obavi sjetva na površini od 803 ha, što je više za 85 ha u odnosu na ostvarenje 2010.godine.

R B	Naziv kulture	Ostvareno u 2010 godini ha	Planirano u 2011 godini ha
01	Pšenica	200	260
02	Raž-Tritikale	35	60
03	Zob	35	40
04	Lucerka	155	160
05	DTS	170	200
06	Ječam	60	80
07	Povrće	2	3
UKUPNO		657	803

Da bi realizacija plana jesenje sjetve bila uspješna potrebno je obezbjediti dovoljne količine repromaterijala utvrđene na bazi planske strukture sjetvenih površina na području općine Kalesija.

### 3.PLAN POTREBNIH REPROMATERIJALA ZA JESENJU SJETVU

Vrsta repromaterijala	Sjetvene površine ha	Utroška k sjeme na kg/ha	Ukupno kg	Cijena po jedinici mjere u KM	Ukupno KM
Sjeme Pšenice	260	311	80860	1,00	80860
Zob	40	220	8800	1,00	8800
Ječma, Titikale	140	270	37800	1,00	37800
Lucerke	160	35	5600	11,00	61600
DTSa	200	50	10000	8,00	80000
Povrće	3	3	9	-	200
NPK	803	300	215400	1,00	215400
Đubrivo KAN 27 %	803	150	120450	0,60	72270
Dizel gorivo	803	50	40150	2,30	92345
Ulje i mazivo	803	4	3212	5,00	16060
Herbicidi	400	3	1200	20,00	24000
Insekticidi	400	2	800	20,00	16000
UKUPNO:					705135

Iz predhodne tabele je vidljivo da su za realizaciju plana jesenje sjetve potrebna sredstva u iznosu od 705 135 KM.

U cilju ostvarenja plana jesenje sjetve potrebno je obezbjediti određene preduslove kao što su:

1. Obezbjediti kvalitetno sjeme i sadni materijal sa odgovarajućim porijeklom, certifikatom, fitopatološkim uvjerenjem i sortnoj čistoći.
2. Obezbjediti ostale repromaterijale za sjetvu (mineralna đubriva, zaštitna sredstva, gorivo i mazivo)
3. Obezbijediti regres na dizel gorivo i mineralna đubriva.
4. Blagovremeno obezbjediti neophodne rezervne djelove za mehanizaciju (traktori i priključna oruđa).
5. Mobilisati stručne službe na terenu kako bi bile na usluzi poljoprivrednicima.

Bosna i Hercegovina  
 Federacija Bosne i Hercegovine  
 TUZLANSKI KANTON  
 OPĆINA KALESIJA  
 OPĆINSKO VIJEĆE  
 Broj: 01-05-2229  
 Datum: 30.09.2011. godine

PREDSJEDAVAJUĆI  
 OPĆINSKOG VIJEĆA  
 Fetah Hujdur s.r.

## 96

Na osnovu člana 61. stav 1. Zakona o građevinskom zemljištu ("Sl. novine FBiH", br. 25/03, 16/04 i 67/05), člana 42. Statuta općine Kalesija - Prečišćeni tekst („Službeni glasnik općine Kalesija“, broj 10/07 i 7/08), i člana 200. Zakona o upravnom postupku („Sl. novine FBiH“, br. 2/98 i 48/99), rješavajući po zahtjevu JP Elektroprivreda Bosne i Hercegovine d.d. Sarajevo, Podružnica "Elektrodistribucija" Tuzla, zastupana po zakonskom zastupniku Izetu Džananoviću, direktoru iz Tuzle, u predmetu utvrđivanja prava vlasništva na građevinskom zemljištu na kojem je sagrađen objekat trajnog karaktera bez prava korištenja zemljišta radi građenja, Općinsko vijeće Kalesija na sjednici održanoj dana 29.09.2011. godine, d o n o s i:

### R J E Š E N J E

1. Utvrđuje se pravo vlasništva u korist JP Elektroprivreda Bosne i Hercegovine d.d. Sarajevo, Podružnica

- "Elektrodistribucija" Tuzla, na građevinskom zemljištu označenom po starom premjeru sa k.č. broj 2345/203, zvano Lugovi, oranica, površine 133m<sup>2</sup>, upisano u ZK uložak broj 1028, KO Prnjavor, a po novom premjeru označeno sa k.č. broj 1288/7, zvano Lugovi, njiva 5. klase, površine 133m<sup>2</sup>, upisano u PL broj 706, KO Prnjavor.
2. JP Elektroprivreda Bosne i Hercegovine d.d. Sarajevo, Podružnica "Elektrodistribucija" Tuzla, dužna je platiti novčanu naknadu za zemljište iz tačke 1. dispozitiva ovog rješenja u iznosu od 1529,50 KM (hiljadupetstotinadvadesetdevet 50/100 KM ), na žiro račun općine Kalesija, broj: 1321400291700037, vrsta prihoda 722631, u roku od 15 dana po prijemu rješenja, te dokaz o uplati dostaviti u spis predmeta.
  3. Na zemljištu iz tačke 1. ovog rješenja, nakon pravosnažnosti rješenja i izvršene uplate naknade iz tačke 2. dispozitiva rješenja, zemljišnoknjižni ured Općinskog suda Kalesija izvršit će se uknjižba prava vlasništva u korist JP Elektroprivreda Bosne i Hercegovine d.d. Sarajevo, Podružnica "Elektrodistribucija" Tuzla, sa dijelom od 1/1, a katastar općine Kalesija izvršit će uknjižbu posjeda u korist JP Elektroprivreda Bosne i Hercegovine d.d. Sarajevo, Podružnica "Elektrodistribucija" Tuzla, sa dijelom od 1/1 .

### O b r a z l o ž e n j e

JP Elektroprivreda Bosne i Hercegovine d.d. Sarajevo, Podružnica "Elektrodistribucija" Tuzla, dana 11.10.2010. godine, Općinskom vijeću Kalesija, podnijela je zahtjev kojim koji je preinačila podneskom br. 03-5-52026-3467 od 08.11.2010. godine i 03-5-52026-3467-2/10 od 22.08.2011. godine, traže da im se shodno članu 61. stav 1. Zakona o građevinskom zemljištu utvrdi pravo vlasništva na građevinskom zemljištu u državnoj svojini, a koje je bliže opisano u tački 1. ovog rješenja, na kojem je

izgrađen poslovni objekat trajnog karaktera, transformatorska stanica BTS 10(20)/0,4kV "Pogon".

U postupku koji je prethodio donošenju ovog rješenja u predmetu br. 02/2-3-31-1-3062 od 13.10.2010. godine održana je dana 13.06.2011. godine usmena rasprava sa uviđajem na licu mjeta u prisustvu voditelja postupka, vještaka geodetske struke, vještaka građevinske struke i podnosioca zahtjeva.

U toku postupka do donošenja rješenja utvrđeno je da se na predmetnom zemljištu nalazi sagrađen poslovni objekat trajnog karaktera u vlasništvu podnosioca zahtjeva bez prava korištenja radi građenja na predmetnom zemljištu koje je u državnoj svojini i da na predmetnom zemljištu nije uspostavljeno pravo korištenja radi građenja u korist graditelja objekta, te da je za predmetni objekat izdato Rješenje o urbanističkoj saglasnosti br. 04/4-364-274 od 22.10.1998. godine.

Odredba o plaćanju naknade za dodijeljeno građevinsko zemljište temelji se na članu 61. i 63. Zakona o građevinskom zemljištu koja je određena shodno odredbama člana 46.stav 2. i člana 53. Zakona o eksproprijaciji ("Sl. novine FBiH", broj 70/07 i 36/10), na način da je na osnovu akta Komisije za utvrđivanje vrijednosti i prava u prometu na području općine Kalesija broj 01-05-1803-1 od 31.05.2011. godine utvrđena tržišna vrijednost predmetnog zemljišta od 11,50,00 KM/m<sup>2</sup>, što za 133m<sup>2</sup> ukupno iznosi 1529,50 KM.

Na osnovu utvrđenog činjeničnog stanja i izvedenih dokaza, cijeneći sve okolnosti i dokaze posebno i sve zajedno kao i na temelju rezultata cjelokupnog postupka i isprava koje se nalaze u spisu predmeta, shodno članu 61. Zakona o građevinskom zemljištu odlučeno je kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe kod Kantonalnog suda u Tuzli u roku od 30 dana od dana prijema ovog rješenja.

Bosna i Hercegovina  
Federacija Bosne i Hercegovine  
Tuzlanski Kanton  
OPĆINA KALESIJA  
OPĆINSKO VIJEĆE  
Broj: 01-05-2-3768  
Datum, 30.09.2011.godine

PREDSJEDAVAJUĆI  
OPĆINSKOG VIJEĆA

Hujdur Fetah s.r.

## 97

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 29. redovnoj sjednici održanoj 29.09.2011.godine, donijelo je slijedeći

## Z A K L J U Č A K

### I

Usvaja se Izvještaj o reviziji finansijskih izvještaja općine Kalesija za 2010.godinu sa Akcionim planom za realizaciju aktivnosti u cilju otklanjanja nepravilnosti identifikovanih u Izvještaju o reviziji finansijskih izvještaja općine Kalesija za 2010.godinu.

### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2230  
Datum, 30.09.2011. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

## 98

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik

općine Kalesija”, broj 6/08), Općinsko vijeće Kalesija, na 29. redovnoj sjednici održanoj 29.09.2011.godine, donijelo je slijedeći

## ZAKLJUČAK

### I

Prihvata se Informacija o izvršenju budžeta za period 01.01.2011. do 30.06.2011.godine.

### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2231  
Datum, 30.09.2011. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

## 99

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija”, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija”, broj 6/08), Općinsko vijeće Kalesija, na 29. redovnoj sjednici održanoj 29.09.2011.godine, donijelo je slijedeći

## ZAKLJUČAK

### I

Prihvata se Informacija o izradi Prostornog plana općine Kalesija.

### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2232  
Datum, 30.09.2011. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

## OPĆINSKI NAČELNIK 100

Na osnovu člana 4. stav 2. Zakona o ministarskim, vladinim i drugim imenovanjima Federacije Bosne i Hercegovine («Sl. novine FBiH» br. 12/03), te člana 7. Zakona o javnim preduzećima («Sl. novine FBiH» br. 8/05) i Odluke o usklađivanju statusa Javnog preduzeća «Veterinarska stanica Kalesija» Kalesija sa Zakonom o privrednim društvima («Sl. glasnik općine Kalesija» br. 1/06 i 11/08) Skupština JP «Veterinarska stanica Kalesija» Kalesija u ime osnivača dana 09.08.2011. godine, d o n o s i

## RJEŠENJE

o imenovanju privremenog Nadzornog odbora JP «Veterinarska stanica Kalesija» Kalesija

### I

Do provođenja postupka konačnog imenovanja Nadzornog odbora JP «Veterinarska stanica Kalesija» Kalesija, a u cilju rješavanja prioriternih pitanja od značaja za funkcionisanje Preduzeća, imenuje se privremeni Nadzorni odbor JP «Veterinarska stanica Kalesija» Kalesija, u sastavu:

1. Hamzić Fadil dipl.ing.polj, za predsjednika,
2. Mr. sci. Karić Ismet dipl.ecc. za člana i
3. Kakeš Albin dr. veterine za člana.

### II

Mandat imenovanih traje do provođenja procedure konačnog imenovanja Nadzornog odbora, po Zakonom propisanoj proceduri, a najduže 60 dana od dana imenovanja.

### III

Ovo Rješenje stupa na snagu danom donošenja i objavit će se u «Službenom glasniku općine Kalesija».



Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKI NAČELNIK  
Broj: 02-05-2-3198/11  
Datum: 09.08.2011. godine

ZA SKUPŠTINU  
Hazim Jusufović s.r.

## 101

Na osnovu člana 15. Zakona o principima lokalne samouprave ("Sl. novine FBiH" br. 49/06) i člana 56. Statuta općine Kalesija – Prečišćeni tekst ("Sl. glasnik općine Kalesija" br. 10/07 i 7/08) Općinski načelnik na sjednici Kolegija dana 17.08.2011. godine, d o n o s i

### P R A V I L N I K o poklonu i uslovima i načinu korištenja sredstava reprezentacije

#### Član 1.

Ovim Pravilnikom uređuje se način i postupak korištenja sredstava reprezentacije, postupanje sa poklonima u općini Kalesija (u daljem tekstu: Općina).

#### Član 2.

Pod sredstvima reprezentacije u smislu ovog Pravilnika podrazumijevaju se sredstva namijenjena za plaćanje roba i usluga koje se daju bez naknade, kao pokloni licima određenim ovim Pravilnikom.

Poklonom u smislu ovog Pravilnika smatra se poklon u vezi sa obavljanjem dužnosti, a podrazumijeva stvari, prava, usluge bez naknade, te neku drugu korist datu ili obećanu.

Davanje poklona iz stava 1. ovog člana se ne može vršiti u novčanim sredstvima.

#### Član 3.

Pod robama iz člana 2. ovog Pravilnika podrazumijevaju se robe sa utisnutim simbolima općine Kalesija ili Bosne i Hercegovine (zastavice, monografije, knjige i sl.), cvijeće, umjetničke

i druge slike, knjige, topli napitci i bezalkoholna pića kao robe koje se daju i uslužuju bez naknade kao pokloni, vodeći računa o uslovima i prilikama u kojima se poklanjaju, te o statusu lica kojima se poklanjaju.

#### Član 4.

Robe i usluge iz člana 3. ovog Pravilnika mogu se davati bez naknade, kao pokloni, predstavnicima državne vlasti Bosne i Hercegovine, Federacije Bosne i Hercegovine, kantona, gradova, općina i drugih nivoa vlasti u BiH, predstavnicima iz inostranstva, te domaćim i stranim pravnim i fizičkim licima (u daljem tekstu: gosti) pod uslovima utvrđenim ovim Pravilnikom i to:

1. Prilikom službenih posjeta gostiju Općini.
2. Prilikom službenih posjeta i boravka Načelnika ili drugih ovlaštenih predstavnika Općine kod gostiju.

#### Član 5.

O potrebi davanja roba i usluga, kao poklona u slučajevima iz člana 4. ovog Pravilnika odlučuje Načelnik, drugi ovlašteni predstavnik Općine ili vođa službene delegacije Općine, vodeći računa o svrsi posjete gostiju ili gostima, uslovima i nivou pod kojima se posjeta obavlja, kao i o visini planiranih sredstava za te namjene.

Izuzetno, robe i usluge iz člana 3. ovog Pravilnika mogu se dati bez naknade i državnim službenicima i namještenicima Općine, u situacijama kada Načelnik ocijeni da je to potrebno i opravdano.

Svoje ovlaštenje iz stava 1. i 2. ovog člana Načelnik može prenijeti na rukovodećeg državnog službenika, koga ovlasti posebnim rješenjem.

#### Član 6.

Za plaćene robe i usluge koje se daju bez naknade kao pokloni, na poleđini računa ili drugog vjerodostojnog dokumenta na osnovu kojeg je izvršeno plaćanje, sačinjava se službena zabilješka u kojoj se

konstatuje za koga je roba ili usluga plaćena, odnosno kome je poklonjena, datum kada je poklonjena i potpis osobe koja je dala poklon.

#### Član 7.

Odredbe ovog Pravilnika primjenjuju se i na način i postupak korištenja sredstava reprezentacije u javnim ustanovama i preduzećima, kojima se sredstva za materijalne troškove osiguravaju iz sredstava Budžeta Općine, odnosno drugih javnih prihoda, ako posebnim propisom nije drugačije određeno.

#### Član 8.

Sa primljenim poklonima od gostiju i trećih osoba čija novčana vrijednost prelazi 50,00 KM, postupa se na slijedeći način: poklon se prijavljuje, evidentira i postaje vlasništvo Općine.

#### Član 9.

Ovaj Pravilnik stupa na snagu danom objave u «Službenom glasniku općine Kalesija».

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKI NAČELNIK  
Broj: 02-05-2-1905/11  
Datum: 17.08.2011. godine

OPĆINSKI NAČELNIK  
Rasim Omerović s.r.

## 102

Na osnovu člana 15. Zakona o principima lokalne samouprave ("Sl. novine FBiH" br. 49/06), člana 29. stav (4). Pravilnika o ostvarivanju novčane podrške u primarnoj poljoprivrednoj proizvodnji za 2011. godinu ("Sl. novine TK" br. 10/11) i člana 56. Statuta općine Kalesija – Prečišćeni tekst ("Sl. glasnik općine Kalesija" br. 10/07 i 7/08), Općinski načelnik dana 18.08.2011. godine, d o n o s i

## R J E Š E N J E

o imenovanju Komisije za utvrđivanje prava na participaciju u realizaciji projekata novih tehnologija od interesa za primarnu poljoprivrednu proizvodnju na području općine Kalesija

### I

U Komisiju za utvrđivanje prava na participaciju u realizaciji projekata novih tehnologija od interesa za primarnu poljoprivrednu proizvodnju na području općine Kalesija, imenuju se:

1. Ismet Karić, za predsjednika,
2. Ismet Mešić, za člana,
3. Fahrudin Halilčević, za člana.

### II

Zadatak Komisije je da razmotri sve prispjele zahtjeve, zapisnički konstatuje da li podnosioci ispunjavaju uslove za novčanu podršku i sačini prijedlog za odobravanje projekata.

### III

Ovo Rješenje stupa na snagu danom donošenja, a isto će se objaviti u "Službenom glasniku općine Kalesija".

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKI NAČELNIK  
Broj: 02-05-2-3329/11.  
Datum: 18.08.2011. godine

OPĆINSKI NAČELNIK  
Rasim Omerović s.r.

## 103

Na osnovu člana 12. stav 3. i člana 13. Zakona o ministarskim, vladinim i drugim imenovanjima Federacije Bosne i Hercegovine («Sl. novine FBiH» br. 12/03) i člana 3. stav 3. Odluke o uslovima, kriterijima i postupku imenovanja u regulirane organe («Sl. glasnik općine Kalesija» br. 4/09), Općinski načelnik Kalesija, kao odgovorni javni službenik dana 12.09.2011. godine, d o n o s i

**RJEŠENJE**

o izmjenama Rješenja o konačnom imenovanju predsjednika i članova Upravnog odbora Javne ustanove «Gradska biblioteka» Kalesija

**I**

U Rješenju o konačnom imenovanju predsjednika i članova Upravnog odbora Javne ustanove «Gradska biblioteka» Kalesija, član I mijenja se i glasi, tako da:

- U stavu 1. pod tačkom 1. tekst «Fahrudin Sinanović, za predsjednika» se briše, a dodaje se novi tekst «Husnija Mešić» za predsjednika.
- U stavu 1. pod tačkom 2. tekst «Husnija Mešić za člana» se briše, a dodaje novi tekst «Fahrudin Sinanović, za člana».

**II**

Ostali dijelovi Rješenja ostaju nepromijenjeni.

**III**

Ovo Rješenje stupa na snagu danom donošenja i objavit će se u «Službenim novinama FBiH» i u «Službenom glasniku općine Kalesija».

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKI NAČELNIK  
Broj: 02-05-2-2073/09  
Datum: 12.09.2011. godine

OPĆINSKI NAČELNIK  
Rasim Omerović s.r.

**ODLUKU**

o organizaciji općinskih službi za upravu

**I - OPĆE ODREDBE****Član 1.**

Ovom Odlukom reguliše se organizacija službi za upravu radi vršenja poslova uprave i samouprave iz nadležnosti Općine, utvrđuju prava, obaveze i ovlaštenja Općinskog načelnika u vršenju poslova uprave i lokalne samouprave, osnivaju općinske službe za upravu, rukovođenje službama za upravu, odnosi Općinskog načelnika i općinskih službi, unutrašnja organizacija općinskih službi, sredstva za rad općinskih službi, te prelazne i završne odredbe.

**Član 2.**

Poslove uprave i samouprave u skladu sa Ustavom i Zakonom vrši Općinski načelnik putem općinskih službi za upravu (u daljem tekstu: Općinske službe).

**Član 3.**

Općinski načelnik i Općinske službe dužne su svojim radom da obezbijede efikasno i potpuno ostvarivanje prava i sloboda građana predviđenih Ustavom Federacije BiH i Ustavom Tuzlanskog kantona.

**Član 4.**

Rad općinskih službi je javan, osim ako za izuzetne situacije nije Zakonom drugačije određeno.

**Član 5.**

U općinskim službama za upravu, u ravnopravnoj upotrebi su službeni jezici bosanski, hrvatski i srpski.

Službeno pismo u općinskim službama za upravu je latinica i cirilica.

---

**104**

Na osnovu člana 15. stav 1. Zakona o principima lokalne samouprave u Federaciji Bosne i Hercegovine («Sl. novine FBiH» br. 49/06) i člana 56. Statuta općine Kalesija – Prečišćeni tekst («Sl. glasnik općine Kalesija» br. 10/07 i 7/08), Načelnik općine Kalesija, dana 27.09.2011. godine, d o n o s i

## II - OPĆINSKI NAČELNIK

## Član 6.

Općinski načelnik je neposredno odgovoran za stanje u Općini, sprovođenje politike koju utvrđuje Općinsko vijeće, izvršavanje općinskih propisa, kao izvršavanje Zakona, drugih propisa i općih akata Kantona, Federacije BiH i Bosne i Hercegovine.

Općinski načelnik je dužan da pokreće inicijative i da predlaže mjere za rješavanje pitanja od značaja za provođenje općinske politike.

## Član 7.

Općinski načelnik može utvrditi radna mjesta Savjetnika Općinskog načelnika.

O djelokrugu rada Savjetnika odlučuje Općinski načelnik posebnom odlukom.

III - ORGANIZACIJA I DJELOKRUG  
OPĆINSKIH SLUŽBI

## Član 8.

Za vršenje upravnih i stručnih poslova i poslova lokalne samouprave iz okvira nadležnosti Općine, osnivaju se:

## a) Službe za upravu:

1. Služba za poljoprivredu, budžet i inspeksijske poslove,
2. Služba za prostorno planiranje, građenje i komunalne poslove,
3. Služba za geodetske i imovinsko-pravne poslove,
4. Služba za opću upravu, boračko-invalidsku zaštitu i raseljena lica,
5. Služba civilne zaštite.

## b) Stručne službe:

1. Stručna služba Općinskog vijeća i
2. Stručna služba Općinskog načelnika.

IV - RUKOVOĐENJE SLUŽBAMA ZA  
UPRAVU

## Član 9.

Službama za upravu i stručnim službama rukovodi Općinski načelnik.

U rukovođenju službama za upravu, Općinskom načelniku pomažu rukovodeći službenici.

Rukovodeći službenici iz prethodnog stava su Sekretar Općine, Sekretar Općinskog vijeća i pomoćnici Općinskog načelnika.

Pomoćnik neposredno rukovodi određenom službom i obavlja i druge poslove iz određene oblasti koje mu odredi Općinski načelnik.

Radom Stručne službe Općinskog vijeća, neposredno rukovodi Sekretar Općinskog vijeća.

## Član 10.

Ovlaštenja i odgovornosti rukovodećih službenika u rukovođenju općinskim službama uređuju se Pravilnikom o unutrašnjoj organizaciji službi za upravu općine Kalesija.

## Član 11.

Rukovodeće službenike postavlja Općinski načelnik, na način i u postupku koji je propisan Zakonom.

Za rukovodećeg službenika može biti postavljeno lice koje ispunjava Zakonom propisane uslove.

V - ODNOSI OPĆINSKOG NAČELNIKA I  
OPĆINSKIH SLUŽBI

## Član 12.

Općinske službe rade na osnovu Ustava, Zakona, Statuta, ove Odluke i drugih propisa i općih akata Općinskog vijeća i Općinskog načelnika.

Općinske službe za svoj rad odgovaraju Općinskom načelniku i dužne su istom podnositi redovne izvještaje o svom radu.

## Član 13.

Općinski načelnik usmjerava i usklađuje rad općinskih službi i vrši nadzor nad njihovim radom.

VI - UNUTRAŠNJA ORGANIZACIJA  
OPĆINSKIH SLUŽBI

## Član 14.

Unutrašnja organizacija i sistematizacija općinskih službi, uređuje se Pravilnikom o unutrašnjoj organizaciji i sistematizaciji, kojeg donosi Općinski načelnik.

VII - SREDSTVA ZA RAD OPĆINSKIH  
SLUŽBI

## Član 15.

Sredstva za rad općinskih službi utvrđuju se Budžetom općine Kalesija.

Naredbodavac za korištenje sredstava iz prethodnog stava je Općinski načelnik.

## VIII - PRELAZNE I ZAVRŠNE ODREDBE

## Član 16.

Danom stupanja na snagu ove odluke reorganizuju se službe za upravu:

1. Služba za poduzetništvo i budžet;
2. Služba za urbanizam, geodetske, imovinsko-pravne poslove i infrastrukturu;

## Član 17.

Danom stupanja na snagu ove Odluke počinju sa radom općinske službe iz člana 8. ove Odluke.

## Član 18.

Služba za upravu koja preuzima poslove iz djelokruga službi iz člana 16. ove Odluke, koje su se reorganizovale, preuzima i uposlenike koji su se zatekli na poslovima i radnim zadacima u tim službama.

Rukovodeći službenici koji su neposredno rukovodili službama iz člana 16. ove Odluke, bit će raspoređeni na

mjesto pomoćnika Načelnika službi za upravu iz člana 8. ove Odluke.

Odredbe iz stava 1. ovog člana odnose se i na slučajeve prema kojima u odredbama ove Odluke službe za upravu preuzimaju pojedine poslove iz djelokruga drugih službi.

Oprema, inventar, arhiva, dokumentacija i sredstva za rad službi za upravu koje su reorganizovane, raspoređuju se na novoosnovane službe, uporedo sa preuzimanjem uposlenika, u skladu sa odredbama stava 1. i 3. ovog člana.

## Član 19.

Općinski načelnik je dužan uskladiti Pravilnik o unutrašnjoj organizaciji i sistematizaciji i druge opće akte sa ovom Odlukom u roku od 30 dana od dana donošenja ove Odluke.

Do donošenja Pravilnika i općih akata iz stava 1 ovog člana, primjenjivat će se odredbe Pravilnika i drugih općih akata, koji su na snazi, a koje nisu u suprotnosti sa Zakonom, Statutom Općine i ovom Odlukom.

Sve što nije regulisano ovom odlukom, primjenjivat će se odredbe zakona.

## Član 20.

Danom stupanja na snagu ove Odluke, prestaje da važi Odluka o organizaciji općinskih službi za upravu ("Sl. glasnik općine Kalesija" br. 01/03, 2/04 i 2/05).

## Član 21.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKI NAČELNIK  
Broj: 02-05-2-3507/11.  
Datum: 27.09.2011. godine

OPĆINSKI NAČELNIK  
Rasim Omerović s.r.

# S a d r Ź a j

<b>OPĆINSKO VIJEĆE</b>	<b>Strana</b>	<b>OPĆINSKI NAČELNIK</b>	<b>Strana</b>
91. Odluka o utvrđivanju naknada Općinskim vijećnicima, zamjeniku predsjedavajućeg Općinskog vijeća Kalesija, članovima Kolegija i članovima komisija I radnih tijela koje imenuje Općinsko vijeće .....	310	100. Rješenje o imenovanju privremenog Nadzornog odbora JP «Veterinarska stanica Kalesija» Kalesija .....	317
92. Odluka o utvrđivanju koeficijenta za obračun plate Općinskom načelniku .....	311	101. Pravilnik o poklonu i uslovima i načinu korištenja sredstava reprezentacije .....	318
93. Odluka o obrazovanju Komisije za drugostepeno upravno rješavanje .....	311	102. Rješenje o imenovanju Komisije za utvrđivanje prava na participaciju u realizaciji projekata novih tehnologija od interesa za primarnu poljoprivrednu proizvodnju na području općine Kalesija .....	319
94. Program zimskog održavanja lokalnih I nekategorisanih puteva na području općine Kalesija u zimskoj sezoni 2011/2012.godine..	312	103. Rješenje o izmjenama Rješenja o konačnom imenovanju predsjednika i članova Upravnog odbora Javne ustanove «Gradska biblioteka» Kalesija.....	319
95. Plan jesenje sjetve za 2011.godinu .....	313	104. Odluka o organizaciji općinskih službi za upravu .....	320
96. Rješenje o utvrđivanju prava vlasništva u korist JP Elektroprivreda BiH d.d. Sarajevo Podružnica Tuzla .....	315		
97. Zaključak .....	316		
98. Zaključak .....	316		
99. Zaključak .....	317		